

Feshahkeek-omehchot Naak-laapkon Ommomektawa

Enchewaatke Feshahkeek-omehchot yaal-yakne chokoolekan hashoote eshtoklan ommomektawa. Okon motoshchahchon yaamek yakne laapkon apooyoolektawa.

Maamehen, Feshahkeek-omehchot onkakat, "Hayatlehchot eełétesh," enkakan, hayatlehchokaaye eełomektawa.

Maamehen, Feshahkeek-omehchot maame heechakaaye heéłooshesh, aklek heechomektawa. Maamekhook,

motoshchahchokaaye neelakot hochefkoolaakash;
maamek, hayatlehchot nehtakot hochefkoolaakash,
aklek tonaabaachektawa.

Ophayhyek motooshhayhchek onapakshakan mot
nehtake enchewatkoktawa.

Maamehen, Feshahkeek-omehchot maamelaakash, aklek
tonaabaachen ommeke; okoon ommekeaye takaapaayomen
ommeke, okoobahchak eelen, tok okelahchon yaknon
eshtoklan ommekeaye, nehtake eshtooklakaayoktawa.

Feshahkeek-omehchot yan tok enkaktashkat omen,
naake yaal-yakne onolfak hootelaakash,
Feshahkeek-omehche aklek, tonaabaacheka chofoolehen,
ahosh, pahosh naak-lapke oolfakan tonaabahen,
Feshahkeek-omehchokaaye heefooshen heechektawa.
Feshahkeek-omehchot naak-lapke ommeke
tonaabaacheka, mot nehtake eshtocheenakaayoktawa.

Feshahkeek-omehchot yan enkonkaktashkat omen,
"Hayatlehchot hashootonton eelelaakash," ehkakan,
nehtake eelomektawa.

Maamehen, nehtakon neelakon takaapaakalaakash,

aklek tonaabaachektáshkat om.

Maamehen, owaachékoohen hashootoohen mamoon
ommeka hayatlehchoka laápkon yaal-yaknokaaye
apooyoolomektawa.

Maamehen, Feshahkeek-omehche hayatlehche
ommekhookoon ommekaaye hashooton haashon mon
nehtakokaaye hayatleechelaàkash, aklomaahont;
maamen, neelakoon ommekaaye neelak-haashak
eelelaàkash, aklek mon tonaabaachomektáshkat om.

Maamehen, maamoon ommekaaye neelakon nehtakon
eshtoklaakaaye takaapaakalaàkash, aklomaahomet mot
nehtake eshsheétaahkakaayoktawa.

Maamehen, Feshahkeek-omehchot lok yan
enkaktáshkat om. "Naak-feshahke laapkot oke
kaayaoleechekat eeletesh," aklek ommomektawa.

Maamehen, lok foòshon ommomektáshkat om. Foòshe
yakashleechekaayoon ommekaaye cheeke anaakaapen
ohmek, eleeeshchek ahookátesh," kaachektawa.
Feshahkeek-omehchokaaye laaalon foòshon eshtoklan
tonaabaachekaaye, mot nehtake

eshchahkeepakaayoktawa.

Feshahkeek-omehche yan łok enkaktáshkat omesh.
Nehtake eepankakhooke naak-feshahke naak-laápké
ommekhooke yaal-yaknon ooyaoleecheepalaàkash, aklek,
tonaabaachektawa.

Mahayhmen łok yaaton ommomektawa. Yaaton
ommomekat, naknon taykon eshtoklan enehnohlaamen
tonaabaachektawa.

Maamehen, yaatoochot emeełen, achonkak
ałalaàkash, naak-feshahkoochak maameh-chaalot
achonkak omeelaàkash, aklek tonaabaachektawa.

Maamehen, naake empaahekak entonaabaachek,
maamehen, mon laápkon tonaabaachekaaye, nehtake
eepankakaayoktawa.

Maamehen, naake laapkot tonaabeepakhookan,
Feshahkeek-omehchot enokeełek feshahkeepan; mon
nehtake eshkolapankakan naakoka entonaabeepan,
nehtakokaaye nehtak-honloolaàkash,
Feshahkeek-omehchot aklomektáshkat om.

Feshahkeek-omehchot Yaataaḷe Enchewaatke Ommektahonka

Ya Feshahkeek-omehche nakne enchewaatke
ommektahonka, mon Baybe lokḷaneeyaka mon
apooneechek, ommaahomeekash hema nehtakoon
ommekaaye.

Maamehen, nakne ommekhookoon ommekaaye, yaknon
lokkoshlek ommek, ebon emafeshahkhookat,

feshahooklomektawa.

Maateh-chaalon ochaape ohmek, mon naknokaaye ayyalaàkash, aklek, tonaabaachek ommektáshkat om. Ya maamekhookan ahokaaye heeshlooshen tonaabaachomaawa. Maamen, tok ehaayakshee heeshlooshek eełahen, aklek tonaabaachomaawa.

Ochaape ehtaklakan ahe lokonkakan, łamek ehaayon empan ommekaaye, elektahaytelaàkash. Ahe łamekan empan ommeka, naake heełtekan naake heeshłoshkan yaamehen atashłelaàkash.

Maamekhookan ahe ehaaye enkalekaaye heełakan empakat eeheeshłoolaàkash, aklektawa. Maamehen, okot shemonaaban ahe ehaayokaaye eełehen, shafeshtaylek ommeelaàkash, aklek maamen, tonaabaachomaawa.

Maamehen, Feshahkeek-omehchot yan naknokaaye ochaapon Eden-kot hochefkooohen, mon ayyak ahechaachelaàkash, aklek, tonaabaaachomektawa.

Maamehen, yan ahe ehaayoon ommekaaye shonaabak haayahen, ommektawa. Feshahkeek-omehchot yan

Adam-kon kaachonkakat, "Ahe ehaaye
empeepaachkahokma, ahe eshhachále laameka
eehaayakan empechkateelaàkash. Empechkan ommeka,
naak-heeloshkokoolten naak-hampon
ataa~~le~~chkalaàkash; empechkan ommekaaye, maamek ~~lok~~
chelepaalaàkash," kaachonkaktawa.

Maamehen, naake laapkon ommek
tonaabaachomehont ommeh-chaak, Adam-kot
entankeekoktawa. Maamen, Feshakeek-omehchot
heechakhookat, shentokleekoon ommekaaye taykokaaye
entonaabaachektawa.

Maamekhookan, Feshakeek-omehchot nakne
noochehchek, nakbeshkon lokemeshkek taykokaaye mon
emommomektáshkat om.

Maamehen, taykoon ommekaaye nakbeshkon ohmek,
maamehen, naknokaaye yan enkonkaktáshkat om, ommek
tonaabaahoochekhookat, yaate ayyeleh maameh-
chaalootomesh. Chanakbeshke ~~laamen~~ lokameeshkek
taykon tonaabaachen, aknakshee aane
achaknaalootomesh," enkonkaktáshkat om.

Maamektahonkan naknokaaye entáàton
eewáàche eshtoklakan honhchek enkapahkak aʔeeyen
ommeakaaye, halkon ennákne eshtoklan ommeaka, aknoka
ʔaamoosheh-choklehpek aʔeshyalaàakash,
aklomektáshkat om.

Ya naknon tayke eshtoklakaayoon ommeaka
emancheekoka áyteeshchek ommektáshkat omma,
maameh-chaakaak shemaleefahkeekoka emaytektawa.

8

**GENESIS - KE
FESHAKKEK-OMEHCHE EMAPONKE
SHEETAKA
ONAHAYAHLEECHEKAAYOOTOMESH
1**

Stories from Genesis

Wycliffe Bible Translators
September 1985